

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-2092/20
Sarajevo, 28.1.2021. godine

Z A P I S N I K
**8. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 30. 12. 2020. i 11. i 28. 1. 2021. godine**

Sjednica je počela sa radom u 12:34 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su najavili: Alisa Hajdarović, Elmedin Konaković i Senad Ahmetović.

Prema evidenciji Stručne službe, sjednici prisustvuje 49 delegata što čini većinu pa Dom naroda može raditi i punovažno odlučivati.

Prije nego su nastavili sa radom predsjedavajući je, u ime Doma naroda Parlamenta Federacije Bosne i Hercegovine, uputio izraze sućuti i suosjećanja sa stanovništvom zemljotresom pogođenih područja Republike Hrvatske te pozvao nadležne da u skladu sa svojim mogućnostima pomognu pogođena područja.

Predsjedavajući je predložio da se zbog epidemioloških uslova i obima dnevnog reda delegatska pitanja i inicijative postavljaju pismenim putem, te je konstatovao da je sa 39 glasova za, šest glasova protiv i dva suzdržana glasa ovaj prijedlog usvojen.

Za riječ se javio Dragan Stevanović koji je izrazio nezadovoljstvo odnosom Vlade Federacije Bosne i Hercegovine prema delegatskim pitanjima i inicijativama.

Potom se prešlo na glasanje o Zapisniku sa 7. sjednice.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine bez primjedbi, sa 48 glasova za i jednim suzdržanim glasom usvojio Zapisnik 7. sjednice Doma naroda Parlamenta Federacije Bosne i Hercegovine održane 1. i 15.10.2020. godine.

Prije prelaska na utvrđivanje dnevnog reda predsjedavajući je upitao da li ima prijedloga za izmjenu i dopunu dnevnog reda.

Za riječ se javio Aner Žuljević koji je u skladu sa Poslovnikom o radu Doma naroda Parlamenta Federacije BiH predložio zaključak kojim zahtijeva od Vlade Federacije BiH da prije isplate predmetnih sredstava Parlamentu Federacije BiH dostavi kompletan spisak aplikacija za pomoć po osnovu svih javnih poziva definisanih Uredbom Vlade Federacije BiH kako bi se omogućila transparentnost kompletnog procesa te uklonile nedoumice od strane privrednih subjekata koji tvrde da su oštećeni.

Jasmin Duvnjak je u ime Kluba delegata bošnjačkog naroda tražio da se u okviru tačke Izbor i imenovanje razmotri i usvoji sastav Komisije za vrijednosne papire Federacije BiH.

Slađan Ilić je uz poruke saučešća građanima Republike Hrvatske u ime Kluba delegata srpskog naroda tražio pauzu od pola sata.

Goran Broćeta također traži pauzu kako bi se Klub delegata srpskog naroda usaglasio u vezi sastava Komisije za vrijednosne papire, ukoliko bi se ta tačka našla na dnevnom redu.

Nakon pauze u raspravi su učestvovali: Slađan Ilić, Ivo Tadić, Jasmin Duvnjak, Aner Žuljević, Damir Marjanović, Zvonko Marić i Dragan Stevanović.

Slađan Ilić je u ime Kluba delegata srpskog naroda saopćio da je stav Kluba oko prethodnog pitanja za koje se predlaže da se nađe na dnevnom redu sjednice ostao nepromijenjen te da Klub planira veći dio sredstava kojima raspolaže usmjeriti kao pomoć građanima Republike Hrvatske.

Ivo Tadić je u ime Kluba delegata hrvatskog naroda izrazio sućut stradalima u potresu u Republici Hrvatskoj i naveo da će raspoloživa sredstva Kluba biti dodijeljena za pomoć stradalim područjima u Republici Hrvatskoj.

Damir Marjanović je pokrenuo inicijativu za koju je tražio da se Dom naroda Parlamenta FBiH izjasni da li je potvrđuje ili ne kako bi mogla biti upućena prema Vladi Federacije Bosne i Hercegovine i resornom Ministarstvu a tiče se neophodnosti usvajanja Pravilnika u pogledu stručne spreme uposlenika, tehničke opremljenosti prostorija i drugih uvjeta kojima moraju udovoljavati ustanove koje obavljaju genetička testiranja uključujući i genetičku identifikaciju uzročnika humanih zaraznih bolesti.

Zvonko Marić je tražio da čuje informacije od nadležnih iz Vlade FBiH o aktuelnim pitanjima poput vakcinacije i migrantske krize.

Predsjedavajući je izložio Prijedloge koje je dostavila Vlada Federacije BiH sa prijedlogom da se razmatraju po hitnom postupku:

- Prijedlog budžeta Federacije Bosne i Hercegovine za 2021. godinu - hitni postupak
- Prijedlog zakona o izvršavanju Budžeta Federacije Bosne i Hercegovine za 2021. godinu - hitni postupak

- Prijedlog zakona o dopunama Zakona o budžetima u Federaciji Bosne i Hercegovine - hitni postupak
- Prijedlog zakona o izmjenama i dopunama Zakona o unutrašnjem platnom prometu - hitni postupak

Potom je predsjedavajući podsjetio delegate da se na osnovu člana 188. Poslovnika o radu Doma naroda Parlamenta Federacije BiH izjasne o tačkama dnevnog reda koje bi se trebale razmatrati po hitnom postupku.

Predsjedavajući je stavio na glasanje prijedlog da se Prijedlog budžeta Federacije Bosne i Hercegovine za 2021. godinu razmatra po hitnom postupku.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 28 glasova za, 10 glasova protiv i dva suzdržana glasa nije prihvatio da se Prijedlog budžeta Federacije Bosne i Hercegovine za 2021. godinu razmatra po hitnom postupku.

Jasmin Duvnjak je izrazio sumnju u rezultate glasanja te je u ime Kluba delegata bošnjačkog naroda zatražio poimenično izjašnjanje koje je izvršio sekretar Doma naroda Izmir Hadživdić.

Na osnovu rezultata poimeničnog izjašnjanja, predsjedavajući je konstatovao da je Dom naroda Parlamenta FBiH sa 27 glasova za, 12 glasova protiv i 12 suzdržanih glasova prihvatio da se Prijedlog Budžeta Federacije Bosne i Hercegovine za 2021. godinu razmatra po hitnom postupku.

Zatim je predsjedavajući stavio na glasanje prijedlog da se Prijedlog zakona o izvršavanju Budžeta Federacije Bosne i Hercegovine za 2021. godinu razmatra po hitnom postupku.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 23 glasa za, 12 glasova protiv i sedam suzdržanih glasova prihvatio da se Prijedlog zakona o izvršavanju Budžeta Federacije Bosne i Hercegovine za 2021. godinu razmatra po hitnom postupku.

Aner Žuljević je izrazio sumnju u rezultate glasanja te je zatražio poimenično izjašnjanje koje je izvršio sekretar Doma naroda Izmir Hadživdić.

Na osnovu rezultata poimeničnog izjašnjanja, predsjedavajući je konstatovao da je Dom naroda Parlamenta FBiH sa 27 glasova za, 12 glasova protiv i sedam suzdržanih glasova prihvatio da se Prijedlog Zakona o izvršavanju Budžeta Federacije Bosne i Hercegovine za 2021. godinu razmatra po hitnom postupku.

Potom je predsjedavajući stavio na glasanje prijedlog da se Prijedlog Zakona o dopunama Zakona o budžetima u Federaciji Bosne i Hercegovine razmatra po hitnom postupku.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije prihvatio da se Prijedlog zakona o

dopunama Zakona o budžetima u Federaciji Bosne i Hercegovine razmatra po hitnom postupku te je izrazio sumnju u rezultate glasanja i zatražio poimenično izjašnjavanje koje je izvršio sekretar Doma naroda Izmir Hadžiavić.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta FBiH sa 38 glasova za, jednim glasom protiv i sedam suzdržanih glasova prihvatio da se Prijedlog zakona o dopunama Zakona o budžetima u Federaciji Bosne i Hercegovine razmatra po hitnom postupku.

Nakon toga je predsjedavajući stavio na glasanje prijedlog da se Prijedlog zakona o izmjenama i dopunama Zakona o unutrašnjem platnom prometu razmatra po hitnom postupku.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za i šest suzdržanih glasova prihvatio da se Prijedlog zakona o izmjenama i dopunama Zakona o unutrašnjem platnom prometu razmatra po hitnom postupku.

Predsjedavajući je stavio na glasanje i prijedlog da se Prijedlog zakona o izmjeni Zakona o doprinosima razmatra po skraćenom postupku.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za i četiri suzdržana glasa prihvatio da se Prijedlog Zakona o izmjeni Zakona o doprinosima razmatra po skraćenom postupku.

Predsjedavajući je obavijestio delegate da je Kolegij Doma naroda Parlamenta FBiH predložio da se uvrste na dnevni red sljedeće tačke:

- Prijedlog zakona o dopunama Zakona o vanparničnom postupku – skraćeni postupak
- Prijedlog zakona o Registru finansijskih izvještaja
- Prijedlog zakona o računovodstvu i reviziji u Federaciji Bosne i Hercegovine

Predsjedavajući je zatim stavio na glasanje da se Prijedlog zakona o dopunama Zakona o vanparničnom postupku uvrsti u dnevni red i razmatra po skraćenom postupku.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za, jednim glasom protiv i šest suzdržanih glasova prihvatio da se Prijedlog zakona o dopunama Zakona o vanparničnom postupku uvrsti u dnevni red i razmatra po skraćenom postupku.

Predsjedavajući je nakon toga stavio na glasanje da se u dnevni red sjednice uvrsti i Prijedlog zakona o Registru finansijskih izvještaja.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, tri glasa protiv i šest suzdržanih glasova prihvatio da se Prijedlog zakona o Registru finansijskih izvještaja uvrsti u dnevni red.

Predsjedavajući je stavio na glasanje da se Prijedlog zakona o računovodstvu i reviziji u Federaciji Bosne i Hercegovine uvrsti u dnevni red.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, 10 glasova protiv i šest suzdržanih glasova prihvatio da se Prijedlog zakona o računovodstvu i reviziji u Federaciji Bosne i Hercegovine uvrsti u dnevni red.

Predsjedavajući je stavio na glasanje da se na dnevni red uvrsti i zaključak delegata Anera Žuljevića.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 20 glasova za i 24 suzdržana glasa nije prihvatio da se zaključak delegata Anera Žuljevića uvrsti u dnevni red.

Aner Žuljević je izrazio sumnju u rezultate glasanja te je zatražio poimenično izjašnjavanje koje je izvršio sekretar Doma naroda Izmir Hadžiavdić.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije Bosne i Hercegovine sa 24 glasa za nije prihvatio da se zaključak delegata Anera Žuljevića uvrsti u dnevni red.

Potom se prešlo na izjašnjavanje o zaključku delegata Damira Marjanovića.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 45 glasova za i jednim suzdržanim glasom prihvatio da se zaključak delegata Damira Marjanovića uvrsti u dnevni red.

Nakon toga je predsjedavajući stavio na glasanje predloženi dnevni red i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 29 glasova za, 11 glasova protiv i šest suzdržanih glasova usvojio sljedeći

DNEVNI RED

1. Prijedlog budžeta Federacije Bosne i Hercegovine za 2021. godinu - hitni postupak,
2. Prijedlog zakona o izvršavanju Budžeta Federacije Bosne i Hercegovine za 2021. godinu - hitni postupak,
3. Prijedlog zakona o dopunama Zakona o Budžetima u Federaciji Bosne i Hercegovine - hitni postupak,
4. Prijedlog odluke o davanju saglasnosti na Finansijski plan Federalnog zavoda za zapošljavanje za 2021. godinu i Procjena plana za 2022. i 2023. godinu i Odluku o izvršavanju Finansijskog plana Federalnog zavoda za zapošljavanje za 2021. godinu,

5. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2021. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2021. godinu,
6. Prijedlog finansijskog plana - Budžeta FERK-a za 2021. godinu,
7. Prijedlog zakona o izmjenama i dopunama Zakona o unutrašnjem platnom prometu - hitni postupak
8. Prijedlog zakona o izmjeni Zakona o doprinosima - skraćeni postupak,
9. Prijedlog zakona o dopunama Zakona o vanparničnom postupku - skraćeni postupak,
10. Prijedlog zakona o Registru finansijskih izvještaja,
11. Prijedlog zakona o računovodstvu i reviziji u Federaciji Bosne i Hercegovine,
12. Prijedlog zakona o zaštiti okoliša,
13. Nacrt zakona o plinovodu "Južna interkonekcija Bosna i Hercegovine i Republika Hrvatska "
14. Nacrt zakona o posredovanju u prometu nekretnina,
15. Izbor i imenovanja
 - Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.
16. Prijedlog zaključka delegata Anera Žuljevića
17. Prijedlog zaključka delegata Damira Marjanovića

1. Prijedlog budžeta Federacije Bosne i Hercegovine za 2021. godinu – hitni postupak

Vlada Federacije Bosne i Hercegovine je utvrdila i dostavila Prijedlog budžeta Federacije Bosne i Hercegovine za 2021. godinu Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine usvojio Prijedlog budžeta Federacije Bosne i Hercegovine za 2021. godinu u tekstu kako ga je predložila Vlada Federacije.

Prijedlog budžeta su razmatrala nadležna radna tijela i dostavila svoje izvještaje.

Na prijedlog Budžeta amandmane su podnijeli: Damir Marjanović - četiri amandmana i Aner Žuljević - jedan amandman, te su isti dostavljeni Vladi FBiH radi izjašnjenja.

Prijedlog budžeta obrazložio je premijer Vlade Federacije Bosne i Hercegovine Fadil Novalić.

U raspravi su učestvovali: Dragan Stevanović, Damir Marjanović, Aner Žuljević, Vibor Handžić i Zvonko Marić.

Delegatima se obratila i federalna ministrica finansija Jelka Milićević.

Sjednica je prekinuta u 17:01 sati.

* * *

Transkript sjednice čini sastavni dio Zapisnika.

NASTAVAK SJEDNICE OD 11. 1. 2021. godine

Sjednica je počela sa radom u 12:30 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su najavili: Nikica Bosnić, Mirela Trepanić, Jasminko Kapić, Rasim Kantarević i Anel Šahinović.

Prema evidenciji Stručne službe, sjednici prisustvuje 50 delegata što čini većinu pa Dom naroda može raditi i punovažno odlučivati.

Predsjedavajući je podsjetio delegate na usvojeni dnevni red i prešao na rad.

1. Prijedlog budžeta Federacije Bosne i Hercegovine za 2021. godinu - hitni postupak

Predsjedavajući je podsjetio da je na sjednici od 30.12.2020. godine obavljena i zaključena rasprava te da je ostalo da se delegati izjasne o amandmanima koji su podneseni te o Prijedlogu budžeta.

Vlada FBiH je dostavila izjašnjenje kojim ne prihvata amandmane delegata Damira Marjanovića i Anera Žuljevića koji su se izjasnili da ne odustaju od svojih amandmana te su tražili glasanje.

Predsjedavajući je stavio na glasanje amandmane delegata Damira Marjanovića.

Amandman I - na osnovu rezultata glasanja, sa 22 glasa za i 24 suzdržana glasa predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 24 glasa za i 21 suzdržanim glasom predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman III - na osnovu rezultata glasanja, sa 24 glasa za i 21 suzdržanim glasom predsjedavajući je konstatovao da Dom naroda Parlamenta Federacije BiH nije usvojio ovaj amandman.

Amandman IV - na osnovu rezultata glasanja, sa 24 glasa za i 21 suzdržanim glasom predsjedavajući je konstatovao da Dom naroda Parlamenta Federacije BiH nije usvojio ovaj amandman.

Zatim se pristupilo glasanju o amandmanu koji je podnio delegat Aner Žuljević.

Na osnovu rezultata glasanja, sa 26 glasova za i 21 suzdržanim glasom predsjedavajući je konstatovao da Dom naroda Parlamenta Federacije BiH nije usvojio ovaj amandman.

U diskusiji koja je uslijedila učestvovali su: Ivo Tadić, Nijaz Musić, Hadis Jusić, Zvonko Marić, Elmedin Konaković, Aner Žuljević, Dragan Stevanović i Senad Ahmetović

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, 12 glasova protiv i šest suzdržanih glasova usvojio Prijedlog budžeta Federacije Bosne i Hercegovine za 2021. godinu.

Elmedin Konaković je izrazio sumnju u rezultate glasanja te zatražio poimenično izjašnjanje.

Sekretar Doma naroda Izmir Hadžić izvršio je poimenično izjašnjanje.

Na osnovu rezultata poimeničnog izjašnjanja, predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, 13 glasova protiv i šest suzdržanih glasova za usvojio Prijedlog budžeta Federacije Bosne i Hercegovine za 2021. godinu.

Potom se pristupilo glasanju o zaključku delegata Ive Tadića

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 29 glasova za, jednim glasom protiv i pet suzdržanih glasova nije usvojio pomenuti zaključak.

2. Prijedlog zakona o izvršavanju Budžeta Federacije Bosne i Hercegovine za 2021. godinu - hitni postupak

Vlada Federacije Bosne i Hercegovine je utvrdila i dostavila Prijedlog zakona o izvršavanju Budžeta Federacije Bosne i Hercegovine za 2021. godinu Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine usvojio Prijedlog zakona o izvršavanju Budžeta Federacije Bosne i Hercegovine za 2021. godinu u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložila je federalna ministrica finansija Jelka Milićević.

U raspravi su učestovali: Elmedin Konaković, Aner Žuljević Damir Marjanović, Ivo Tadić i Zdenka Džambas.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 31 glasom za, 11 glasova protiv i dva suzdržana glasa usvojio Prijedlog zakona o izvršavanju Budžeta Federacije Bosne i Hercegovine za 2021. godinu.

3. Prijedlog zakona o dopunama Zakona o budžetima u Federaciji Bosne i Hercegovine - hitni postupak

Vlada Federacije Bosne i Hercegovine je utvrdila i dostavila Prijedlog zakona o dopunama Zakona o budžetima u Federaciji Bosne i Hercegovine Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine usvojio Prijedlog zakona o dopunama Zakona o budžetima u Federaciji Bosne i Hercegovine sa amandmanom koji Vlada Federacije nije prihvatila, ali ga je Predstavnički dom izglasao.

Amandman glasi:

Član 2. Prijedloga zakona se briše.

Prijedlog zakona su razmatrala nadležna radna tijela i dostavila svoje izvještaje.

Na Prijedlog zakona jedan amandman je podnio delegat Aner Žuljević.

Prijedlog zakona obrazložila je federalna ministrica finansija Jelka Milićević.

U raspravi su učestovali: Aner Žuljević, Damir Džeba, Elmedin Konaković, Ivo Tadić, Žarko Vujović, Vibor Handžić, Dragan Stevanović i Zdenka Džambas.

Predsjedavajući je stavio na glasanje amandman delegata Anera Žuljevića.

Na osnovu rezultata glasanja, sa 17 glasova za i 21 suzdržanim glasom predsjedavajući je konstatovao da Dom naroda Parlamenta Federacije BiH nije usvojio ovaj amandman.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, jednim glasom protiv i devet suzdržanih glasova usvojio Prijedlog zakona o dopunama Zakona o budžetima u Federaciji Bosne i Hercegovine u tekstu kako ga je predložila Vlada Federacije BiH. Prema tome, potrebno je da se Predstavnički dom izjasni o tekstu Prijedloga zakona kako ga je predložila Vlada Federacije.

4. Prijedlog odluke o davanju saglasnosti na Finansijski plan Federalnog zavoda za zapošljavanje za 2021. godinu i Procjena plana za 2022. i 2023. godinu i Odluke o izvršavanju Finansijskog plana Federalnog zavoda za zapošljavanje za 2021. godinu

Vlada Federacije Bosne i Hercegovine je utvrdila i dostavila tekst Prijedloga Odluke o davanju saglasnosti na Finansijski plan Federalnog zavoda za zapošljavanje za 2021. godinu i Procjenu plana za 2022. i 2023. godinu i Odluke o izvršavanju Finansijskog plana Federalnog zavoda za zapošljavanje za 2021. godinu Parlamentu Federacije radi davanja saglasnosti.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine donio Odluku o davanju saglasnosti na Finansijski plan Federalnog zavoda za zapošljavanje za 2021. godinu i Procjenu plana za 2022. i 2023. godinu i Odluku o izvršavanju Finansijskog plana Federalnog zavoda za zapošljavanje za 2021. godinu.

Prijedlog Odluke obrazložila je direktorica Federalnog zavoda za zapošljavanje Helena Lončar.

U raspravi je učestvovao Rasim Pajić.

Potom se pristupilo glasanju o Zaključku koji je predložio delegat Rasim Pajić.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 19 glasova za i 15 suzdržanih glasova nije prihvatio Zaključak delegata Rasima Pajića.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 35 glasova za i jednim glasom protiv donio Odluku o davanju saglasnosti na Finansijski plan Federalnog zavoda za zapošljavanje za 2021. godinu i Procjena plana za 2022. i 2023. godinu i Odluku o izvršavanju Finansijskog plana Federalnog zavoda za zapošljavanje za 2021. godinu.

5. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2021. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2021. godinu

Vlada Federacije Bosne i Hercegovine je utvrdila i dostavila tekst Prijedloga Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2021. godinu i Odluke o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2021. godinu Parlamentu Federacije radi davanja saglasnosti.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2021. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2021. godinu.

Prijedlog Odluke obrazložila je direktorica Zavoda zdravstvenog osiguranja i reosiguranja Federacije BiH Vlatka Martinović.

U raspravi su učestvovali Dragan Stevanović i Elmedin Konaković.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 35 glasova za, jednim glasom protiv i jednim suzdržanim glasom donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2021. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2021. godinu.

6. Prijedlog finansijskog plana - Budžeta FERK-a za 2021. godinu

Regulatorna komisija za energiju u Federaciji BiH je utvrdila i dostavila Prijedlog finansijskog plana - Budžeta FERK-a za 2021. godinu Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 17. sjednici održanoj 29.12.2020. godine usvojio Prijedlog finansijskog plana - Budžeta FERK-a za 2021. godinu.

Prijedlog finansijskog plana obrazložio je predsjednik Regulatorne komisije za energiju u Federaciji BiH Jasmin Bešo.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 33 glasa za i jednim suzdržanim glasom usvojio Prijedlog finansijskog plana - Budžeta FERK-a za 2021. godinu.

7. Prijedlog zakona o izmjenama i dopunama Zakona o unutrašnjem platnom prometu - hitni postupak

Vlada Federacije Bosne i Hercegovine je utvrdila i dostavila Prijedlog zakona o izmjenama i dopunama Zakona o unutrašnjem platnom prometu Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na nastavku 14. sjednice održane 14.10.2020. godine usvojio Prijedlog zakona o izmjenama i dopunama Zakona o unutrašnjem platnom prometu u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložila je federalna ministrica finansija Jelka Milićević.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, jednim glasom protiv i dva suzdržana glasa usvojio Prijedlog zakona o izmjenama i dopunama Zakona o unutrašnjem platnom prometu.

8. Prijedlog zakona o izmjeni Zakona o doprinosima - skraćeni postupak

Vlada Federacije Bosne i Hercegovine je utvrdila i dostavila Prijedlog zakona o izmjeni Zakona o doprinosima Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 16. sjednici održanoj 2.12.2020. godine usvojio Prijedlog zakona o izmjeni Zakona o doprinosima u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog Zakona obrazložila je federalna ministrica finansija Jelka Milićević.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za usvojio Prijedlog zakona o izmjeni Zakona o doprinosima.

9. Prijedlog zakona o dopunama Zakona o vanparničnom postupku - skraćeni postupak

Vlada Federacije Bosne i Hercegovine je utvrdila i dostavila Prijedlog zakona o dopunama Zakona o vanparničnom postupku Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 15. sjednici održanoj 15.10.2020. godine usvojio Prijedlog zakona o dopunama Zakona o vanparničnom postupku u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog Zakona obrazložio je federalni ministar pravde Mato Jozić.

U raspravi je učestvovao Ivo Tadić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, jednim glasom protiv i jednim suzdržanim glasom usvojio Prijedlog zakona o dopunama Zakona o vanparničnom postupku.

10. Prijedlog zakona o Registru finansijskih izvještaja

Vlada Federacije Bosne i Hercegovine je utvrdila i dostavila Prijedlog zakona o Registru finansijskih izvještaja Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na nastavku 14. sjednice održane 14.10.2020. godine usvojio Prijedlog zakona o Registru finansijskih izvještaja u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložila je federalna ministrica finansija Jelka Milićević.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za usvojio Prijedlog zakona o Registru finansijskih izvještaja.

11. Prijedlog zakona o računovodstvu i reviziji u Federaciji Bosne i Hercegovine

Vlada Federacije Bosne i Hercegovine je utvrdila i dostavila Prijedlog zakona o računovodstvu i reviziji u Federaciji Bosne i Hercegovine Parlamentu Federacije radi razmatranja i usvajanja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na nastavku 14. sjednice održane 14.10.2020. godine usvojio Prijedlog zakona o računovodstvu i reviziji u Federaciji u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Na prijedlog zakona dva amandmana je podnio delegat Aner Žuljević.
Vlada Federacije je dostavila izjašnjenje kojim ne prihvata amandmane.

Prijedlog zakona obrazložila je federalna ministrica finansija Jelka Milićević.

U raspravi su učestvovali: Aner Žuljević i Boris Krešić.

Sjednica je prekinuta u 17:26 sati.

NASTAVAK SJEDNICE OD 28.1. 2021. GODINE

Sjednica je počela sa radom u 13:27 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su opravdali: Dževad Hadžić, Marko Saraf, Drago Puzigaća, Senad Ahmetović, Dragana Damjanović, Hadis Jusić, Elvedin Mušanović, Rasim Pajić, Mladen Lonić i Elmedin Konaković.

Prema evidenciji Stručne službe, predsjedavajući je konstatovao da sjednici prisustvuje 42 delegata što čini većinu pa Dom naroda može raditi i punovažno odlučivati.

Predsjedavajući je obavijestio delegate da je Centralna izborna komisija Bosne i Hercegovine dostavila Domu naroda Parlamenta FBiH Odluku o prestanku mandata delegata Dragana Stevanovića zbog prelaska na novu dužnost te da mu je shodno Izbornom zakonu Bosne i Hercegovine time prestao mandat u Domu naroda Parlamenta FBiH.

Predsjedavajući je podsjetio delegate na preostale tačke dnevnog reda i prešao na rad.

11. Prijedlog zakona o računovodstvu i reviziji u Federaciji Bosne i Hercegovine

Predsjedavajući je podsjetio delegate da je na nastavku sjednice održanom 11.1.2021. godine obavljena i zaključena rasprava te da je ostalo da se delegati izjasne o amandmanima koji su podneseni i o Prijedlogu zakona.

Budući da delegat Aner Žuljević nije odustao od amandmana, predsjedavajući ih je stavio glasanje i konstatovao da:

Amandman I - na osnovu rezultata glasanja, sa 18 glasova za i 23 suzdržana glasa Dom naroda Parlamenta Federacije BiH nije usvojio ovaj amandman.

Amandman II - na osnovu rezultata glasanja, sa 21 glasom za i 21 suzdržanim glasom Dom naroda Parlamenta Federacije BiH nije usvojio ovaj amandman.

Aner Žuljević, koga su podržali Segmedina Srna Bajramović i Vibor Handžić, je izrazio sumnju u rezultate glasanja te je sekretar Doma naroda Izmir Hadžić izvršio poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da Dom naroda Parlamenta Federacije Bosne i Hercegovine sa 22 glasa za i 21 suzdržanim glasom nije usvojio Amandman II delegata Anera Žuljevića.

Potom se glasalo o Prijedlogu zakona.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine sa 29 glasova za i 13 glasova protiv nije usvojio Prijedlog zakona o računovodstvu i reviziji u Federaciji Bosne i Hercegovine.

Ivo Tadić je izrazio sumnju u rezultate glasanja te je zatražio poimenično izjašnjavanje.

Sekretar Doma naroda Izmir Hadžiavdzić izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije Bosne i Hercegovine sa 31 glasom za i 13 glasova protiv usvojio Prijedlog zakona o računovodstvu i reviziji u Federaciji Bosne i Hercegovine.

12. Prijedlog zakona o zaštiti okoliša

Vlada Federacije Bosne i Hercegovine je utvrdila Prijedlog zakona o zaštiti okoliša Parlamentu Federacije.

Predstavnički dom Parlamenta Federacije Bosne i Hercegovine je na 5. sjednici održanoj 24.9.2019. godine usvojio Prijedlog zakona o zaštiti okoliša sa 27 amandmana koje je prihvatila Vlada Federacije, pa su postali sastavni dio Prijedloga zakona.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložila je federalna ministrica okoliša i turizma Edita Đapo.

U raspravi su učestvovali Jasmin Duvnjak i Zvonko Marić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za usvojio Prijedlog zakona o zaštiti okoliša.

13. Nacrt zakona o plinovodu “Južna interkonekcija Bosna i Hercegovine i Republika Hrvatska “

Vlada Federacije Bosne i Hercegovine je utvrdila Nacrt zakona o plinovodu “Južna interkonekcija Bosna i Hercegovine i Republika Hrvatska “.

Predstavnički dom Parlamenta Federacije Bosne i Hercegovine je na 16. sjednici održanoj 2.12.2020. godine razmatrao i Zaključkom prihvatio Nacrt zakona o plinovodu “Južna interkonekcija Bosna i Hercegovine i Republika Hrvatska “.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je direktor BH-Gasa Jasmin Salčin.

U raspravi su učestvovali Zdenka Džambas i Tomislav Martinović.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt zakona o plinovodu „Južna interkonekcija Bosna i Hercegovina i Republika Hrvatska“ i smatra da može poslužiti kao osnova za izradu Prijedloga zakona.
2. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije koje budu dostavljene na ovaj Nacrt zakona.

14. Nacrt zakona o posredovanju u prometu nekretnina

Vlada Federacije Bosne i Hercegovine je utvrdila Nacrt zakona o posredovanju u prometu nekretnina.

Predstavnički dom Parlamenta Federacije Bosne i Hercegovine je na 5. sjednici održanoj 24.9.2019. godine razmatrao i Zaključkom prihvatio Nacrt zakona o posredovanju u prometu nekretnina.

Nacrt zakona su razmatrala nadležna radna tijela i dostavila svoje izvještaje.

Nacrt zakona obrazložio je federalni ministar trgovine Zlatan Vujanović.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt zakona o posredovanju u prometu nekretnina i smatra da može poslužiti kao osnova za izradu Prijedloga zakona.
2. Zadužuje se predlagač da organizira i provede javnu raspravu u trajanju od 30 dana. Ostavlja se dodatni rok od 10 dana za dostavu sugestija na ovaj Nacrt zakona.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije.

15. Izbor i imenovanja

- **Prijedlog odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.**

Predstavnički dom Parlamenta Federacije Bosne i Hercegovine je na 14. sjednici održanoj 5.10.2020. godine donio Odluku o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.

Za članove iz Predstavničkog doma su izabrani: Dario Knezović, Mira Grgić, Salko Zildžić, Hajrudin Žilić i Azra Hadžić.

Iz Doma naroda su izabrani: Alisa Hajdarović, Senad Čeljo, Damir Džeba, Ivan Ivić i Rasim Kantarević.

Kolegij Doma naroda je predložio da se u ovu Komisiju umjesto Damira Džebe izabere Vesna Saradžić iz Kluba delegata srpskog naroda, kako bi se po zahtjevu ovog Kluba uspostavila ravnoteža u Komisiji.

Kolegij je predložio da se za predsjednika Komisije izabere Ivan Ivić, a za zamjenika Salko Zildžić.

Zajedničku komisiju vode predsjednik i zamjenik predsjednika koji se na položaju rotiraju svakih šest mjeseci.

Jednog bira Predstavnički dom, a drugog Dom naroda.

Prijedlog odluke pročitao je predsjednik Komisije za izbor i imenovanje Tomislav Mandić koji je istovjetan prijedlogu Kolegija.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za donio Odluku kojom je za predsjednika Zajedničkog povjerenstva za usuglašavanje različito usvojenih tekstova zakona u domovima Parlamenta Federacije Bosne i Hercegovine izabrao Ivana Ivića, a za zamjenika predsjednika Povjerenstva Salku Zildžića, a za članove su izabrani iz Predstavničkog doma: Dario Knezović, Mira Grgić, Salko Zildžić, Hajrudin Žilić i Azra Hadžić, a iz Doma naroda su izabrani: Alisa Hajdarović, Senad Čeljo, Vesna Saradžić, Ivan Ivić i Rasim Kantarević.

Potrebno je da Predstavnički dom donese ovu odluku u istovjetnom tekstu kako bi Komisija mogla raditi.

16. Prijedlog zaključka delegata Anera Žuljevića

Prijedlog Zaključka povukao je delegat Aner Žuljević budući da usvajanje istog trenutno ne bi imalo smisla, jer je Budžet Federacije BiH za 2021. godinu već donijet.

17. Prijedlog zaključka delegata Damira Marjanovića

Prijedlog Zaključka utvrdio je i obrazložio delegat Damir Marjanović.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za usvojio sljedeći

ZAKLJUČAK

1. Zadužuje se Federalno ministarstvo zdravstva da kreira i usvoji Pravilnik o uvjetima u pogledu stručne spreme uposlenika, tehničke opremljenosti prostorija i drugih uvjeta kojima moraju udovoljavati ustanove koje obavljaju genetička testiranja, uključujući genetičku identifikaciju uzročnika humanih zaraznih bolesti.
2. Ovaj zaključak stupa na snagu danom donošenja.

Sjednica je završila sa radom u 14:53 sati.

* * *

Transkript sjednice čini sastavni dio Zapisnika.

SEKRETAR
Izmir Hadživdić

PREDSJEDAVAJUĆI
Tomislav Martinović